


文翰大成
六十三之四

七



漢書門類	三十七	四一	四三	四四	一〇〇
類	號	冊	函	架	冊

內閣文庫	漢書	三十七	四一	四三	四四	一〇〇
類	冊	號	冊	函	架	冊

內閣文庫	
番號	漢 3741
冊數	100 (42)
函號	362 68



文翰類選大成卷第六十三七言律目錄

藏書文庫

基 五首 宋濂 二首 詹同 一首 張紳 三首

梁寅 五首 張憲 八首 樂韶 三首 張籌 一首

郭奎 一首 徐穎 一首 王禕 三首 揭執 計九首

謝肅 一首 魏觀 二首 陶誼 五首 張壁 一首

吳哲 九首 王淑 三首 陶宗儀 二首 金思誠 二首


元宣 計八首 吳彥貞 計五首 夏煜 一首 吳琳 二首

楊訓文 四首 蘭以權 二首 李質 一首 吳植 二首

去疾 二首 王佐 二首 貝瓊 三首 吳志淳 四首

李頤 三首 滕毅 一首 彭鏞 一首 孫炎 二首

顧祿 四首 林洵 二首 宋璩 一首 劉仔肩 七首



文翰類選大成卷第六十三七言律目錄

文翰類選大成卷之六十三

左長史上海李伯璵編輯
伴讀慈谿馮厚校正

詩類七言律

國朝

二月二日登樓

劉基

薄寒疎雨集春愁，極難禁獨上樓。
何處山中堪採藥，幾時湖上好乘舟。
嗚泥客燕聊相傍，泛水浮萍可自由。
見說蘭亭依舊在，如今王謝少風流。

次韻會稽音上人

絕頂浮雲瑣石關，曲途危磴阻躋攀。
他年甲楯孤臣泣，此日齋鐘老衲閑。
夜永星河低半樹，天清猿鶴響空山。
干戈未定

歸何處擬結茅廬積翠間

侍宴鍾山應制時蘭州方奏捷

清和天氣雨晴時
翠麥黃花夾路岐
萬里玉關馳露布
九霄金闕綯雲旗
龍文騾裏驂轡馬
乳蒲萄入羽卮
衰老自慚無補報
叨陪儀鳳侍瑤池

搖落

搖落江天氣慘悽
野黃雲白感東西
可憐飢鼠當人立
無奈寒鴉向客啼
青夕陽鼓浦闌芒
秋水稻田低
銷魂何地歸
衰疾觸處烟塵沸
鼓聲

寒夜

月上前山夜寂寥
江城鼓角殷寒宵
魚龍水落滄溟靜
鴻鴈聲來紫塞遙
風物自應隨律轉
霜鬢爭得見春消
青缸冷暗

愁眠怯樓外頻移北斗杓

走筆送金賢良

宋濂

飄零已覺二毛侵
且向西風問苦吟
蛭雨蠻烟十年夢
龍韜豹略一生心
星垂鍾阜知天近
水入秦淮覺海深
不是秋帆連夜發
典衣沽酒共登臨

送翰林編脩張仲藻還家畢姻

少年歸娶奏金鑿喜得

天顏一笑看紅錦
裁雲朝奠鴈紫簫
吹月夜乘鸞靈椿堂上
承中饋寶鏡臺前結
合歡從山梅花消息好
青綾不似玉堂寒

春日駕幸鍾山應制

詹同

大駕春晴臨寶地
鍾山老翠擁金山
瑤花如雨三千界
紫氣成龍五百年
風送香烟浮袞服
池涵樹影拂青天
詞臣侍從

何多辛安得詩才似涌泉

湖中玩月

張紳

銀波千頃照神州此夕人間別是秋地與樓臺相上下天隨
星斗共沉浮一塵不向空中住萬象都從物外求醉吸清華
遊碧落更於何處覓瀛洲

送勤上人歸靈鷲山

靈鷲禪房我所思可堪春晚送勤師半山啼鳥烟霞裏一路
落花風雨時定有猿看窓外果應知昔護壁間詩門前有徑
通三竺欲向中天采石芝

游冶城山

瑤草秋深石磴長半空嵐氣濕衣裳江山佳處一亭古風雨
來時四座涼陰洞水腥龍蛻骨仙岩雲暖麝生香道人好護

新松樹長見清陰覆 御床

何伯遜見訪贈詩和荅

梁寅

百里來尋水竹村鵲聲將喜報衡門山中白石聊同煮世上
黃金未足論詩似陰何思更苦跡追園綺道尤尊貧家無物
堪娛客一樹寒梅雪映軒

登吳山

城繞青峰錦繡迴仙樓十二競崔嵬雲飛滄海山無盡潮撼
長江雨併來吳相忠魂祠宇在宋皇行殿梵宮開東南都會
金城廢竟日湖船絲竹哀

都下將歸宿石城門外和李仲淵晚過上林

韋曲風光尺五天驕驄嘶過酒樓前龍輿陌路疎雨鳳關
觚稜淡烟上相綵旃歸柳外王孫金鞵落花邊臨流有客

題佳句不羨春風歌舞進

次韻姜叔德冬雪

黃雲幕、四山圍翻海陰風撼竹扉珠向美人簾下撒花當
歸客馬前飛夜窓銷燭增寒氣曉艇掀蓬失翠微豪俊不誇
金帳飲新詩聯璧自生輝

抵豫章寄淡溪姜氏叔範叔德叔用叔謙

長羨姜侯兄弟賢幽人庭戶水雲邊花開舊樹觀生意竹長
新藜勝往年留客共尋垂釣侶愛孫仍蓄買書錢相從少壯
今華髮一念睽離一悵然

春日次友人韻

張憲

彩毫凍點新蟬翼奚墨雲磨舊馬肝月落小窓瓊珮冷夢回
孤枕玉筍寒茶醺架雪香生按么鳳籠烟醉倚闌笑我一春

長閉戶柳花填巷卧袁安

良宵

良宵情緒不堪題立遍闌干意欲迷鉄撥忽敲壺口破金刀
頻剪燭心齊綠分揚柳湘簾細紅壓櫻桃斗帳低彷彿第三
橋畔宿月明珠樹夜烏啼

與甯子廉馬敬常飲酒得移字

我愛中州雙國士尊前為我解金龜南山石爛歌逾緩銅柱
沙沉跡未移割土有人窺漢鼎磨崖無客頌唐碑狂生雅抱
澄清志况是聞雞起舞時

臨安軍前

寂歷荒城遍野蒿昔人事業已徒勞鴈將秋色催歸志楓引
霜華入戰袍地阻東南鄉信遠天昏西北陣雲高不堪屢作

還家夢起向西風撫大刀

并西丹房

葛井西頭更向西丹房高與白雲齊
鉉田虎下飛紅電永海龍沉結紫泥
山鬼俯攬窺火候爐神伏地
弓刀圭飲餘一盞中黃酒坐聽子規松上啼

次韻贈張省史從軍南征

震天金鼓紫駝驕
皁霧連珠畫斗杓
甲馬魚鱗開曉日錦袍
花萼上春潮
枕柳雨暗湯泉溢
茉莉風暄海瘴消
幙下何人專叫檄共誇謀議得張昭

登歌風臺

長陵秋草泣銅駝
臺上豐碑獨未磨
魂魄歸來親黨盡
子孫凌替敵人多
威加四海功何在
力剪群雄慮已過
落日大風

空愁蟋蟀吟家在淮南青桂老門臨湖水白蘋深鯉魚風熟香粳早釣艇誰移近竹林

酬鄒伯謙見寄

涂穎

白髮蕭疎忝侍儀
夔龍青瑣許追隨
禁廬晚退仍分直
宣室春來屢祝釐
翔鳳遠連雙玉關
流鶯深囀萬年枝
老懷寥落將何補
空有雲泉入夢思

春夜漫興

王禕

金水河頭輦路分
深沉庭院柳如雲
春來天上渾無跡
月到花間似有痕
酒思嘗騰欹枕卧
鶯聲宛轉隔窗聞
千金欲買長門賦
誰似相如善屬文

次韻荅上清周道士

山中一別五經春
近得詩篇意度新
文字須為方外友
神仙

元是世間人洞雲玄虎司丹室壇月青鸞禮玉宸坐對匡廬
秋色好欲將寄遠苦無因

題太長公主林館

揭軌

主家林館御溝西楊柳芙蓉映舞衣玉沼萍開魚上躍繡簾
花妥燕低飛微風軒輦宮中去淡月霓裳苑外歸四海昇平
當此日萬年行樂莫相違

送吳元翰之七閩戎幕

銅柱烟消百粵通故人千里入閩中將軍幙府求高適使者
書詞請石洪野館別時楊柳綠綠臺吟處荔枝紅丈夫許與
惟知已須佐雲臺第一功

夜宴許御史園林席上作

梨花雪落又春深同醉名園極賞心病起預愁金谷酒詩成

吹客淚起裊神劍和悲歌

題崔鶯之像

玉釵斜溜鬢雲鬆不是崔徽卷裏容顰蹙遠山增嫵媚
秋水闔纖穠影移紅樹西廂月聲掩朱門半夜鍾猶似裁詩
寄張琪嚴情嬌態萬千重

送桂綺園還紫極宮

樂韶

昔年飛步白雲鄉珠履曾瞻出上方天外清風來羽扇山中
明月照霓裳紫微曉進金函字丹桂時分絳帳香一別喜聞
多勝事床頭夜斗牛光

寄郭子虛

君王龍節照江湖從事多才冠楚都宗廟衣冠唐典禮祠官
文物漢規模高樓綵筆題黃雀空谷生芻望白駒廣廈細旂

多暇日好將忠孝翊
皇謨

題天風海濤圖

何處仙人度海濤手持綠玉出波心九天靈響蟠秋葉萬頃
寒潮落晚林龍伯覽輝金澠湘妃弄影翠沉誰將吹作
雄鳴管十二筩中奏五音

答李伯器見寄就次其韻

張籌字惟中無錫人尚書

四十年来一緼袍奉親直欲老清朝鮮魚斫膾歡殊洽老蚌
沉珠恨未銷和藥每收花上露酌泉時挈杖頭瓢嗟余屢作
還鄉夢誰敢重題駟馬橋

宿雨

郭奎

字子章淮南人
都督府參謀

宿雨蕭蕭悴客心高齋連日滯秋陰一枝未遂鷓鴣志四壁

獨愛玉人吟繞林烏鵲驚燒燭仰秣青驄聽鼓琴觴詠從教

柝月落海棠亭館正陰陰

題殷將軍詩卷

獨枕金戈泪滿襟白雲天遠杳無音萬鍾空有思親恨百戰
應多報主心玉帳頓驚秋露降鉄衣非謂晚寒侵懸知大樹
論勲日風木蕭蕭感慨深

奉和恒陽太守侍

駕從畊承恩宴之作

玉趾親勞築藉田花間冠冕摠承宣頌聲已見登三五貢法
徐看耦十千翠輦省畊陳夏諺金閨錫宴奏虞弦恒陽詞賦
知無敵鳳閣裁詩賀有年

晚歸

苑外金波映水天歸驄蹀躞暮江邊鳳皇臺閣初含雨燕子

人家又禁烟詩寫桃花歌扇裏酒携楊柳舞樓前請看秋雨
臘脂并好醉春風玳瑁筵

寄北平部使旴江陳傳善

日長柏府文書靜想得臨池對翠微書報麻姑憑鶴寄經田
羽客換鵝歸雨餘山翠飄瑤珮風裏林花落綉衣
寂愛虞家
戈法好流傳那得到岩扉

春日寓居奉懷恒陽使君

寓居官舍近西郊花徑蓬門入草茅客裏青春看易過愁中
白髮信難拋顏公乞米寧無耻魯肅分困喜定交幾度思君
風雨夕鷄鳴庭樹正嘒嘒

莫春清河官舍

高柳長榆風滿林落花門巷晚陰陰守官忽已過三月
竊錄
寧無愧寸心汲黯病餘思獻納謝安老去倦登臨
新篇滿篋
非經濟空嘆流連歲月深

鄴中

銅爵臺西鶯滿林落花風景強登臨青春憶第千行泪白首
思家萬里心羈思渾如芳草乱客愁還似綠波深
江南山水
終當去何日穿花放棹尋

巽溪亭

溪上林亭清有餘碧沙流水錦難如白雲近接仙人館喬木
遙連故相廬花裏玉琴驚別鶴水邊金錯鱸嘉魚校書文采
今猶昔佇看鳴珂接石渠

楚野軒

清時冠蓋集南州家近章華足賞遊花落綺窓巫峽雨葉飄

金井漢皋秋子虛好待相如寄神女還從宋玉求三楚由來
多秀士佇看繼武鳳池頭

謝丁從事惠青履

憶昨金閨接履聲歸來屏跡掩荆空占天澤幽人吉豈
有圯橋俠客名步武青春非壯日著文白髮負平生惟同謝
傳東山履應得尋君共賞情

宴南市樓二首

帝城歌舞樂繁華四海清平正一家龍虎關河環錦繡鳳皇
樓閣麗烟花金錢錫宴恩榮異王殿傳宣禮數加冠蓋登臨
皆善賦歌詞只許仲宣誇

詔出金錢送酒壺綺樓勝會集文儒江頭魚藻新開宴苑外
鷓鴣花又賜醑趙文酒翻歌扇濕燕姬香艷舞裙紆綉遊莫道

知音少司馬能琴絕代無

天壽節侍宴奉天殿三首

萬年天子宴蓬萊五色雲中寶扇開青瑣班齊鴛鴦列玉階
韶舞鳳凰來詞臣上壽陳金鏡羽客來朝獻玉盃白髮校書
何以報惟歌天寶若涓埃

侍宴從容近御床白衣新染御爐香承恩賜坐黃金殿既
醉言歸白玉堂輦道鴛鴦聲連湛露上林鳳羽絢朝陽校書伏
勝知何補豈有遺經授太常

奉天金殿五雲中特賜儒臣坐殿東青瑣八珎光祿送玉階
九奏教坊供白衣侍宴恩殊絕紫禁尊賢禮益崇歸到玉
堂清醉後照入宮燭瑣窓紅

秋思

綺窓紅燭淡秋光鳳帳流蘇滅夕香機杼隔花閑翠戶輓轡
臨水凍銀床秋風紫塞書千里夜月清砧淚數行望斷金鞍
秋又杪芙蓉零落玉池霜

韓信城

謝肅

字原功會稽人福建僉憲

淮流浩蕩楚原平嘆息英雄不再生天日可期歸漢志風雲
猶似下齊兵千年城郭名空在百戰山河姓幾更還酌將軍
一杯酒黃鸝碧草不勝情

贈友二首

魏觀

東山偶為蒼生起南紀來分

聖主憂爭觀台星臨左轄烟如霧月懸中州梁公引士賢才
出宰相傳經弟子留正論每聞閑治體綸音端為老成求
曉挹天香詠紫微夕陽清夢繞黃扉國風正頌周公羨霖雨

重徵傳說歸天上皇猷增黼黻人間元氣屬樞機江南民物
今溥厚政教從來頌不違

送魏司業出守姑蘇

陶誼

字漢生天台人

東吳父老候麾旌皂蓋朱幡五馬榮名郡暫須煩魏相諸生
久恨失陽城麟符剖玉

君恩重燕寢凝香吏牘清指日徵黃下
丹詔又看環珮入 承明

題方壺山水畵為詹吏部作

方丈蓬萊海上山瓊林琪樹杳難扳玉笙倚鳳神仙下羽蓋
驂龍帝子還縹緲遐踪遊物外淋漓醉墨落人間九天步武
尚書履屐與壺公接珮環

題四明湛上人鍾秀樓

百尺樓居聳碧霄天開箇畫足逍遙一帆春雨來湖口兩岫
青山落樹腰夜坐翻經香欲冷詩成倚柱酒微消東還擬遂
登臨興慚愧無才趁早朝

山居

烟蘿窈窕陰柴扉路入蒼苔一徑微江燕定巢來自熟岩花
落子結還稀脩琴有制先抄譜沽酒無錢更典衣採藥山童
終日去夜深常與鶴同歸

題嵩高春曉圖

嵩高千仞青崔嵬倚空壁立何雄哉東瞻紅日海底出西引
黃河天上來山君翠蓋珥絳節仙館瓊漿分玉杯我思從之
不可得忽見畫箇雙眼開

嘉禾

張壁 字景辰
留人

飛樓倒影落湖波湖上風帆鏡裏過歸客自炊菰米飯小娃
爭唱竹枝歌接頭艇子輕於葉雪色沙鷗白似鷺此地將軍
戰時血春來丹漬鮮痕多

讀文丞相吟嘯集

吳括

忠臣就死古來多丞相謀生脫網羅要為春秋明漢賊忍題
風絮泣山河綱常道在詩千首骨肉情長賦六歌留得精誠
等光獄奸僇佞魄奈愁何

丁未二月廿五日西江有感

姑蘇臺上白雲飛城郭人民半是非方寸有時亡七筯夢魂
無夜不庭闈從來此地皆書絕漫恐還家骨肉稀孝道未全
那敢死暗將孤泪濕征衣

丙申三月從平章左公搃戎臨安過南山訪楊鐵崖

先生時谿漲馬不克渡延佇口號

旂旄晨趨十萬軍青幕府事終
卧龍不遠滄溟窟走馬
來看館閣文春過名山花亂落
雨晴飛瀑路難分先生高伴
洪厓嘯獨向溪邊望白雲

小孤山

中流玉卓迥無群大海雄藩自楚分
絕頂薰鄉常蔽日靚妝
樓閣不藏雲孤閣直龍樓宅亂
水平鋪鳥篆文我欲維舟
明月裏為神鼓瑟候湘君

遣興答李道源

徒步何憂解肉消賦歸無待楚辭切
摩挲藥籠三年艾渡落
人寰五石瓢蓑笠雨淹滄海釣斧
以晴趁白雲携遊仙枕上
西池月轉

七夕漫成

烏鵲梁成歲一過靈風此夕度
鳴珂奮斂再合駢金股牛渚
重來失素波巧落人間徵應少
愁歸天上別離多迴車月暗
無消息香霧雲鬢奈尔何

寄題王梧溪先生烏溪隱居

陸海躡塵竟不開早從人世得天台
扶藜洞口晴雲出濯髮
林端夕吹來迷作才長勞汗竹謀
謨籌在潤生苔喜聞家政
傳諸子十畝黃雲捲酒材

和張拱辰輩中秋傳波韻

頗怪清狂廢客眠桂花飛雨落瓊筵
宮壺添轉烏啼樹僊佩
聲微鶴上天載月輕槎渾汎葉吹雲
長笛捲如椽百年高會
誰能識一為新詩作浪傳

送秦東海法師遊上清 王嘏字伯純

為愛仙山絕世氣蒼苔冥冥路難分
白羊歲久渾疑石瓊嶺
春深半是雲洗藥泉香龍蛇骨吹簫
臺迥鶴成群隱文祕訣
無人識我欲相從一問君

寄倪元鎮

赤水丹山隔塵麻姑書信莫辭頻
久知鴻寶飛騰術獨許
青雲磊落人賓戲能消春晝永茗香
聊試石泉新東風回首
松陵道重擬携書與卜鄰

送錢思復提學歸曲江舊隱

湖海多年髮欲銀一官依舊廣文貧
滄留濁世惟懷土寂寞
青衫不受塵酒伴凋零元自少詩筒
來往莫嫌頻曲江春水
應無恙安得相從與卜鄰

激懷樓為章處士賦 陶宗儀字九成

樓倚青霄護赤闌時登眺頻人豪恣
含虛景東西泐坐挹
清暉四五山古調寂寥惟自適野情
蕭散寄餘閒盞埃迥隔
圖書秘好約游仙共往還

送殊上人游武林聽法

湖上諸峰入望青尋幽歷記吾曾半
蓬殘雪溪南別一錫
閒雲雨後登時向定回聞戒法便從
悟處剖宗乘明年二月
還相逐且說傳來第幾燈

送黃仲珩會試 全思誠字希賢華亭人

候鶴灘前凍雨收賓筵載詠鹿吻右文
天子春秋富勸駕諸侯禮數優日下
五雲生北關天邊一鶚
起南州遙知入射丹墀策象管翻思
不休

寄虞孝高縣尹問疾

陶令西山去養痾秋來病減幾不多
千羊松下得琥珀萬壑雨餘生
薜蘿有客饋魚供野酌何人擊竹
和樵歌長吟不盡相思意矯首霜
前一鴈過

題顏希古忠孝堂卷

元宣

字伯長

力孝為忠世所希高堂榮慶春暉
紫鸞回紙傳金誥花蝶封羅製絲
衣桃熟定從瑤圃獻桂香猶是廣
寒歸史官直筆旌雙美冉祥雲棟
宇飛

遊龍翔寺

飛橋北上轉光風窈窕慈雲接故
宮麟趾不來行殿發龍光還在御
床空岩廊萬像丹青合樓閣諸天
錦繡同幾度殘鍾敲落日老僧猶
泣昂湖弓

題寫韻軒二首

双吹鳳管度西山城上樓臺記往
還寶帙不開秋月冷翠屏長對暮
雲閑幽蘭燁當窓淨細草年上砌
斑想得凌風環珮響最著猶在綺
窗間

學書仙子髮如鴉天上珠簾卷曙
霞綠硯自分金掌露絲毫應染玉
箋花神情冉翔寫下逸興飄舞鶴
斜寫遍四聲諧妙律洞章吟向太
清家

鎖鐵柱

湖上波濤一劍空冶金留取鎮龍
宮八方靈索懸坤軸萬古蒼標定
劫風不用斷鰲重立極抵令降恠
暗銷雄神仙本是空無事即此方
知濟世功

庶使吳公便宜行事招補江西賦詩為賀

三家清望切金門賜鉞專征節制尊一道獨傳

天子詔萬人爭識郡公孫陣圖成筭還諸葛銅柱奇勛屬馬
援明日繡衣肅玉帳降旗閃、拜殊恩

贈李鍊師

曾從京國祠官濟岱諸山奉詔看三殿傳香招瑞鶴九宮
陳祀接飛鳶鑄金舊觀軒轅昂伏火新求太乙丹却厭遊塵
澆仙袂自歸雲島種琅玕

送任經歷彥通

湖上風來五月秋使君歸興滿扁舟綠荷盤冷頰分鱸白苧
衣輕自押鷗雨漲定聞蛟吼柱天清還見蜃為樓陶朱富在
休官後莫厭烟波萬里遊

觀章謙齋右丞畫像

已率苗民格有虞還聞耆老泣洪都人間龍虎閒韜畧天上
麒麟失画图烟雨荒城迷故宅弓刀瘴海保遺孤百年事業
後俯仰空慙七尺軀

投贈韓憲使

世宦中朝濟盛時蚤陳三策動龍墀魏公再入名臣譜韓
子重為太學師玉署脩辭增帝紀烏臺建議肅朝規清華著
歷忠誠著始識真儒鮮有為

投贈兵部常主事二首

河上軍麾忽五年江淮監銳又臨邊極知
聖主紆神策復命儒臣領將權憲使精忠懸白日尚書正氣
肅秋天幕中况復登才傑勛業當今後世傳
帷幄參謀任匪輕知君自昔負才名祥麟必向周郊出儀鳳

元從舜世鳴雨暗江城春轉粟月寒霜壘夜論兵額將江漢
丞民雅盡入東風凱奏聲

禽徐生問詩

少日題詩愧老成中年漂泊讓才名師襄去亂亡周雅宋玉
悲秋學楚聲月樹漫同烏鵲怨陽岡何得鳳皇鳴歸求信有
餘師在千古聲歌繫性情

壽左丞

華省春風佩馬鳴沙堤人喜相君行文斟酌由深淺吾道
權衡在重輕左輔位聯南極見上台光指泰階平要知功業
如司馬輦下兒童誦姓名

鳳皇臺

神鳳何年降赤霄鳳臺尋訪儼岩堯往封西奠江為壑海氣

東生地應潮岡卧黃龍松舟、橋傾朱雀草蕭、謫仙題徧
興亡事誰復長才詠六朝

豐城九龍山双髻峯

九龍蟠處是仙家閑幽入躡曉霞石裂雲間開一逕髻分
天上聳双丫洗頭玉女垂秋露背回靈娥倚暮花勝境真能
超浩劫誰從此地飯胡麻

奉獻丞相

紫誥新頒慶築壇新兼將相聳朝端賜不玉節龍光動恩重
金符虎氣蟠鼓角声酣聞嶠肅旌旗影拂海天寒八州士庶
傳威德預納降書待撫安

江南平章道同公以功拜璽書陞大司徒藩服奠安

喜而有賦

聖代報功開盛典藩臣特拜大司徒河山信誓不盟券江廣
安危繫廟謨龍象獨頒開府印虎文交鑄從官符崧高佇奏
周王雅不數麒麟畫漢圖

送王公輔之京

吳彥貞

奉詔遠趨双闕下承恩遙拜五雲間宮花春簇麒麟殿仙仗
宵嚴虎豹闕聲動簫韶陪御宴香飄劍珮拱朝班定知
衣錦寧親日携得炉烟滿袖還

寄紀善饒仲恭

東風吹雨落花餘情別誰能問索居湘渚啼猿空有賦衡陽
歸鴈久無書懸知賈誼頻虛在知見說鄒陽獨戍裾遙想從容
陪步輦對歸月在玉階除

春暮

垂老漂零媿不才更堪時序苦相催杜陵空有無家別王粲
唯餘去國哀三月烟花非昔望百年懷抱幾時開月明千里
後長憶拄杖當階只獨來

追昔

玉輦曾聞天上過千官已從駐深河萬方喜見車書混四海
寧知戰伐多香歸心隨白鴈蕭殘照落滄波春風麥秀
愁難盡回首悲歌可奈何

登宜川鳳山

鳳去仙臺迹獨存風烟慘淡望中昏山連雲氣通華蓋月湧
江聲下海門丹桂凌秋香自遠紫芝照夜露初繁拂衣擬問
長年術願挹浮丘與細論

秋懷用簡劉用正

楓葉蕭、荆楚秋寒江月冷思悠、雲連北極三千里塵暗
西江十一州諸葛有才終佐漢夷吾雖霸實尊周乘高幾度
空搔首城郭砧聲更起愁

送鄧朝用歸南昌

關下承 息拜瑣闥故辭榮祿解朝衣曉陪鷓鴣遊丹陛夕
向烟霞卧翠微三逕已聞陶令去四明寧許季真歸欲知後
夜思君處鶴唳湖東白石磯

新春試筆

氣轉東皇逼歲華青郊欲曙散慈鴉寒輕曉拂窓前霧香動
晴飄雪裏花絲筆謾勞春獻頌綠樽無復夜流霞壯心寥落
難歡賞迢遞層城擁鼓笳

過南園鐫無作隱者故居

寂憶南園隱者廬春雲芳樹亂扶疎閑亭虛蔭先生柳綠
曾傳御史車山鳥鳴時疎雨過石欄題處落花餘不堪回首
城南路蔓草寒烟夕照虛

次鄧若泉韻就用簡之

盛世衣冠贊大猷更無道德並商周文章敢謂才窺豹慷慨
徒慙氣食牛落日悲笳秦苑夕西風黃葉漢宮秋茂陵千古
汾河興還憶中流發棹謳

羊角洞天

羊角空餘石一拳九泉陰洞閱千年天邊影斷震島遠海上
書曾一鶴傳臺殿潛幽淹日月笙簫驚夢隔雲烟夜涼紫氣
浮仙關始信人間別有天

美章平章

璽書飛拜下青霄二十功成珥漢貂父老捲迎孫討虜蕃戎
應畏霍嫖姚一門慷慨才難並百戰飛揚氣不驕歸覲行聞
歌秋杜好將忠義富清朝

題許仲孚梅桂軒

月榭憑池漾碧波寒梅丹桂共婆娑光搖玉樹富窓近香撲
金花點石多仙關露涼秋共折孤山雪霽夢曾過登臨不負
幽才興幾欲凌風振佩珂

春江花月夜

翠華巡幸駐離宮錦纜龍舟萬乘東銀甕香浮仙醴綠金堤
花簇御筵紅逶迤簫鼓來天上滉漾旌旗在月中回首可憐
春殿隔如袍宮女泣東風

秋興

驪山蒼翠繞秦宮向夕砧聲漢苑空樓閣參差涵暮景楸梧
遠近動秋風雲寒仙掌蒼烟外月冷銅駝蔓草中千古悲涼
興往事滔、渭水日從東

康郎山奉白

夏煜

三軍戰罷日重輪好雨東來為洗塵絕壁秋聲清漱玉白沙
月色爛堆銀氣成龍虎知王者兆應熊羆得老臣半夜內官
催草檄燭花影裏繡衣新

廣南舟中

吳琳字朝錫
齊安人

鎮海重瞻宇宙新民風尚似古時淳
蛟人浮宅一舟小蠻女
汲溪雙甕勻冬煖有花飛蛺蝶天荒無筆寫麒麟
茲行猶幸諸君子相約同看上苑春

開化道中

重岡狹路倦登臨喜見溪流華步深楊柳樹邊舟小、海棠
花上雨沉、一春王事過三月千里家書繫寸心無補盛時
縻好爵携材只合老雲林

周元善以蓬山自號為賦

楊訓文

蓬萊山色鬱嵯峨上有神仙醉後歌瑤草綠深知歲久琪花
香暖得春多虛勞謝叟乘舟問曾見秦人采藥過獨有周君
會中意不須辛苦涉風波

賦得鳳凰池送李教授歸河南

鳳凰池上送歸船渺、清波接遠天沙菴雨添蒼色潤溪毛
春濯錦紋鮮米儀宛似聆韶樂應瑞何殊集潁川從此揚帆
看君去薇垣明日聽傳宣

寄石仲文

故人別後復如何不寄新詩到薛羅賈誼書成何日上張衡
愁比向時多江城木落霜連地澤國天寒水不波重約明年
秋八月紫微花底共鳴珂

水雲軒為張志道賦

華軒結構水雲鄉中有高人逸興長睡起波光搖簡冊坐來
嵐氣潤衣裳青山常立飛甍外白鳥時過釣艇傍相對絲、
捻詩思豈應重問舊滄浪

題劉郎中雲海蓬萊軒

蘭以權

誰信劉郎是謫仙行軒不減洞中天蛟龍噓氣成樓閣島嶼
無波見市廛鶴到詩壇通遠信人看碁局惜流年、居自愛
三山好贏得烟波滿目前

酬寶秀才

旅宿三秋依古寺御溝斜月似秦淮欲憑征鴈傳鄉信却厭
鳴蛩感客懷剪燭且為談磊落敲碁還可助俳諧休嗟行篋
空如洗猶有黃金半股釵

王臺驛直字

李質字文彬廣東人

春去臺空迹已陳危亭傑出澗之濱清溪繞屋可濯足好鳥
隔江如喚人明月委波金漱灩青山帶雪玉嶙峋桃花流水
非人世或有漁郎來問津

題蘆花被圖

吳植

秋風吟就蘆花被一落人間知幾年澤國烟波惟見畫詩翁
老骨久成仙高情都付滄洲外舊夢長隨白鳥邊日暮江空
轉晴雪至今惆悵釣魚船

秋水軒

秋水軒前秋水清美人曾此濯芙蓉
滿汀殘照明洛浦佩環誰共解渚宮
無人和何處蕙葭月又生

芙蓉隔檻零露夕
賦詠謾多情滄浪歌罷

春日雨中示友人

吳去疾

芙蓉人

二月已過三月臨茅堂
青、潭未深何日新晴出山郭及時
窮幽賞爛醉扶肩過竹村

梅花白、落已盡楊柳
竹樂稱春心應須載酒

除夕

一暑一寒時又改相看相守過今年
開花向暮筵物色漸隨新節換老懷
窮仍在虛有錢神論可傳

柳樣送酒來深夜銀燭
偏為舊時憐獨慚五鬼

舟次匡廬寄同朝諸公

王佐

翰墨同時侍禁闈恩榮寧謂及寒

舍人舊掌絲綸

誥御史新裁錦繡衣天上鵝鴛還

按武江邊鷗鷺已忘機他

年行部如相否秋水蘆花是釣磯

四山飛翠靄為孫守禦賦

清溪無地着塵囂金削芙蓉面

初映日輕如紅雨落隨風

微帶白雲飄官袍欲試春偏潤爐

香相繁暖未消思得尚書

高宏敬為揮翰墨寫生綃

書所見感舊

銀箏塵坐偏曾將古調寄祁綵

芙蓉綠水秋將老鸚鵡

金籠語可憐西窗秋霜明鏡裡十年

春夢夜燈前湖山隱約

人如畫空負當年畫船

送龍我衍聖公希學還關里

貝瓊

星斗光芒萬丈騰賜書連舸出金陵鴈違青塚天將雪馬渡

黃河夜已水博士經存終漢出上公爵重自唐升喜聞手植

庭中檜翠接東蒙幾百層

送愚上人歸越并柬奎方舟

天界歸來亦已遲庭松此日定回枝山中結社無靈運海上

留衣有退之鶴去雲霄隨錫杖龍收風雨入軍持西湖若見

方舟老為說三生夢裡詩

送王克讓負外赴陝西

貂裘萬里獨衝寒舊是含章漢署官白雪作花人面落青山

如鳳馬頭看關中將相資王猛海內蒼生望謝安應念東南

有遺逸采芝深谷尚盤桓

春日遣懷

吳志淳

字章一

貧病相兼氣未舒
園雖少樂耕鋤為儒已入他州籍
垂老頽收故國書
夜雨湖山入去後
春風門巷燕來初
滿生喜遂閑居
忘阮藉從教禮法疎

閑居東湖述懷

野叟耕鋤喜近郊
柴門風雨夜蕭騷
卧龍豈欲煩三顧
老鶴長鳴向九臯
北闕湛恩新賜爵
近臣傳勅舊同袍
自怜經濟全無術
祇有山林興最高

春游二首

湖上輕風吹柳絲
湖邊細雨濕花枝
百年拾有三萬日
一日都來十二時
杜老每尋崔氏宅
山翁偏愛習家池
乘閒取醉

吾事度水看花也
自奇

始知春意深
山光入眼髮
遠翠華影到湖生
夕陰慈雲只尺不一去
薄暮還家空復吟

送呂君采史北平

李頤字克正 孫承章 入禮部 告以即

八月烏啼海子橋
南來使客下青霄
雲埋石室丹書在
日落延秋翠輦遙
麟史未全歸
盛代龜文猶得認
前朝詞臣載筆需文獻
莫遣回車久寂寥

題饒升永紀善臨清道隱

夏澤茅堂類灑東
風流何羨浣花翁
画船載酒行天上
青鳥啣書度鏡中
塵世自傷棋換劫
文光誰識劍浮虹
衣冠闕閱無窮思
盡屬滄浪兩鬢蓬

登五峯

仙子招邀啓翠闥
瑤臺銀殿宿高寒
吹簫紫鳳雲中下
入洞

蒼虬雨後蟠酒泛流霞斟玉髓
炉存伏火候金丹赤松即許
留侯問定向東風挂鐵冠

次韻黃秀才秋興

滕毅

虎戟龍爭二十秋江波日夜自東流
道傍無語王孫泣天際
含頰帝子愁首宿風烟空壁壘
蕪葑霜露滿汀洲古今唯有
西山月永夜依、照白頭

送玉筍三道士赴京有代祝嶽瀆之行 彭鏞

三子緜山載碧筇遠隨 丹詔觀神京
秩宗祀典震書在封
禪壇壇漢時平玉筍雲連龍
虎氣金陵天近鳳凰城
祝官拜望承 恩蚤小朶樓西散
珮聲

贈黃鍊師

孫炎

留侯帝子有初平九歲從師住玉京
天與數書皆鳥跡家傳

一劍是龍精瑤池桃子無消息
海水桑田又淺清我為紫芝
歌一曲夜深相答洞簫聲

奉使還途中聞東征捷音

南來萬馬淨邊塵
銜璧歸朝盡大臣
城上玉繩浮
婺女帳前
銀甲擁

天人出師已略扶桑國
奉使須通析木津
遂有江黃幕中夏
可無書檄諭全閩

早朝

顧祿

天上鳴鞭徹曉聞
千官趨謁正續絃
金門闢處珠簾捲
翠仗
臨時寶扇分光動
鳳樓迎瑞日香
浮龍袞護祥雲
小官何幸
陪班列萬歲千秋祝

聖君

天壽節賜宴回九月十八日

千官闕下候晨鍾鳴玉鏘金拜舞同紅旭乍分仙仗裏紫烟
高長御炉中九秋清氣回天地萬歲懽聲祝華嵩高朝罷傳宣
催賜宴小臣何幸列夔龍

錢塘懷古

帝子龍飛渺海涯城頭落日起悲笳杜鵑夜叫空陵木野鹿
春嘶廢苑花綠水已無遊客舫青山都屬梵王家興亡自是
今猶古何必騷人重嘆嗟

過鄱陽湖

臨行醞酒酌湖神打鼓開船出要津雲霧氣蒸迷日月波濤
聲撼震乾坤放歌今日客豪客破敵當年想
至尊咫尺南昌城郭近日將雙足洗征塵

送顧謹中赴大學二首

林洵字季文天台人

洪武初年監學開

大明天子育英才不徒貞觀儒風盛載喜新羅子弟來佩影
三千環壁水書聲日夜徹蓬萊君今此去文名著行見奎光
近上台

春來四海喜昇平花氣浮香日晴儀鳳舞庭為世瑞神駒
脫御向人鳴英年好試春秋學六譽曾傳月旦評
聖主求賢端為國虎頭不負有兩仍

次韻荅友人

宋璫

春來偶覓尋山屐為趁閑雲繞石流佳興擬酬方外約故人
應住水西頭清尊濁酒偏能醉火棗交梨不外求花信已成
狼籍夢南樓風雨為誰憂

荆南江晚眺有感

劉仔肩

沙頭寒晚維舟詞客重來感舊遊江上夕陽諸葛廟雨中
芳草仲宣樓天連錦水來春云雲暗襄隣起暮愁回首可憐
梁甫意一官牢落向南州

文翰類選大成卷六十三

文翰類選大成卷六十四七言律目好
國朝

高啓 三十張率 十五黃琮 二首吳中平 一首

吳同 三首饒侶 九首許中麗 三首廖孟瞻 一首

聶同文 四首梁紹輝 二首高伯恂 二首李伯範 一首

蕭執 一首晏彥文 二首李升運 一首周培 八首

章光遠 一首劉子建 三首張羽 八首黃肅 一首

鄭濤 一首甘彥初 四首王敬中 二首

文翰類選大成卷第六十四七言律目錄

此頁為目錄內容，文字極其模糊，難以辨識。依稀可見一些詩題或作者名，如「高啓」等字樣。

文翰類選大成卷第六十四

左長史上海李伯璵編輯

伴讀慈谿馮厚校正

詩類七言律

國朝

奉天殿進元史

高啓

詔預編摩辱

主知布衣亦得拜龍墀書成一代存殷鑑朝列千官備漢儀
漏盡秋城催仗早燭明曉殿卷簾遲時清機務應多暇退閣
從容幸一披

送易左丞分省廣西

朝廷特念遠民深畫省不官出桂林油幘乍開依漢節卉衣

爭到貢蠻金四時花發山多暖半日嵐收市尚陰
虞帝祠前篁竹裏相思莫聽鷓鴣吟

送呂秀才入道

學禮茅君便入山黃冠初著稱青顏杏園不羨龍頭貴蓬島
應思鶴背開窓下棄繁辭婦去壇前受籙拜師還白雲知勝
青雲好揮手從今謝世間

范文正公祠

開閣陳書對御筵共言天子得時賢纔陪上相趨廷內遽撫
豪羞出塞邊松柏自依先壠廟稻禾猶滿義庄田古來直道
終難合何必深嗟慶曆年

送滎陽公行邊

風卷双旌雪覆轡遠騎白馬出行邊兵馳空壁三千幟客宴
高堂十萬錢屏裡舊看魚腹陣燈前新註豹韜篇功成他日
論諸將只有荀卿寂少年

蘆花簾

菼茸織出綿蕭機未許蝦鬚獨銜奇寒雪照庭晴不捲白雲
當戶書長垂恍疑柳絮風穿早不管梨花月到遲自是楚江
秋一片移來不使白鷗知

吳城感懷

城苑秋風蔓草深豪華都向此銷沉趙陀空有稱尊計劃表
初無弭亂心半夜危樓俄縱火十年高塢漫蔽金廢興一夢
誰能問回首青山落日陰

謁甫里祠

衣冠寂寞半塵絲想見江湖獨卧時遁迹虛煩明主詔感懷

猶賦散人詩釣魚船去雲迷浦闖鴨攔空水滿池芳藻一杯
誰為薦鼓聲只到水神祠

送王檢校錡赴北平

半年同舍客京華看遍龍河寺裏花繞進史書朝日下便紆
官綬去天涯平蕪遠塞秋征騎衰柳遺宮晚噪鴉莫道窮邊
成久別待君歸草玉堂麻

送任兵曹赴邊

少年恥着惠文冠幙下時把劍看官燭未銷鷄送曉軍笳
欲動馬嘶寒闕連雲樹征途遠塞接霜蕪戰地寬見說長平
門下客奇才唯有一任安

鷓鴣

遠隨仙客下青城瘦骨肥來見畫鷲藜杖夜懸翻露影竹尊

春瀉飲泉聲園中幾歲形谷變海上何時羽翼成醉聽樹頭
風嘒、却疑秋傍九臯鳴

吊子胥廟

地老天荒伯業空曾於青史見遺功鞭屍楚墓生前孝扶目
吳門死後忠魂壓怒濤翻白浪劍埋冤血起腥風我來無限
傷心事都在越山烟雨中

送陳都司赴大將行營

上公承認出蓬萊立馬風烟萬里開賜履已分無事遠舞戈
還見有苗來牙前部曲多收績幙下賓寮更倚才後夜軍門
知子到即星應是近三台

吊岳王

大樹無枝向北風千年遺恨泣英雄班師詔已來三殿射虜

書猶說兩宮每憶尚方誰請劍應憐高廟自藏弓
栖鴉嶺上
今回首不見諸陵白露中

清明呈館中諸公

新烟着柳禁垣斜杏酪分香俗共誇
白下有山皆繞郭清明無客不思家
下侯墓上迷芳草廬女門前映落花
喜得故人同待詔擬沽春酒醉

京華

送沈左司徙汪參政分省陝西汪由御史中丞出

重臣分省出臺端賓從威儀盡漢官
四塞山河歸版籍百年父老見衣冠
函關月落聽鷄度華岳雲開立馬看
知尔西行定回首如今江左是長安

漫成

崇門藥圃小江邊早得閑居是偶然
兩岸晚風黃鳥樹一陂

春水白鷗天悠、往事空書卷碌、浮生只釣船
猶記京華為客日幾回聽雨憶歸田

京師秋興次謝太史韻

柳外秋風起御河京華客子意如何
伎同北郭知應濫俸比東方愧已多
梁寺鍾來殘月落漢官砧斷早鴻過
不才幸遇同躋幾度珊、候曉珂

登涵空閣在靈岩

衣、波濤漠、天曲闌高棟此山顛
置身只在浮雲上縱目長過去鳥前
數杵秋聲荒苑樹一帆暝色太湖船
老僧不識興亡恨只向遊人說往年

陪臨川公遊天池

騎馬尋幽度嶺遲老僧不識使君誰
門開紅葉林間寺泉浸

青山石上池殘果已收
須食少枯松欲折鶴巢危
壁間不用題名字
無數蒼苔沒舊碑

江上晚眺懷王著作

渡頭西望足離情
晚水寒山雪後清
鷗立斷水流漸遠
鴉隨殘照去還明
漁人笛起風生浦
估客帆回樹隔城
范蠡祠前春意動
思君欲放酒船行

靈岩寺

關上香臺望下方
漁村樵塢盡蒼蒼
傾城人遠苔生逕
歸寺僧稀葉滿廊
雲散池邊留塔影
雨來閣外失湖光
廢興皆幻何須問
獨自吟詩送夕陽

登郡城樓

萬家烟火望中迷
形勝曾留白傅題
公館深沉春樹暗
女垣寂寞晚烏啼
高城鼓角聲初起
遠寺樓臺勢盡低
寂愛好山青幾疊
畫屏長在曲闌西

梅花九首

瓊姿只合在瑤臺
誰向江南處處栽
雪滿山中高士卧
月明林下美人來
寒依疎影蕭蕭竹
春掩殘香漠漠苔
自去何郎無好詠
東風愁寂幾回開

縞袂相逢半是仙
平生水竹有深緣
將疎尚密微經雨
似暗還明遠在烟
薄暝山家松樹下
嫩寒江店杏花前
秦人若解當時種
不引漁郎入洞天

翠羽驚飛別樹頭
冷香狼籍倩誰收
騎驢客醉風吹帽
放鶴人歸雪滿舟
澹月微雲皆似夢
空山流水獨成愁
幾看孤影低徊處
只道花神夜出遊

淡之霜華濕粉痕誰施綃帳護香溫詩隨十里尋春路愁在
三更挂月村飛去只憂雲作伴銷來肯信玉為魂一尊欲訪
羅浮客落葉空山正掩門

雲霧為屏雪作宮塵埃無路可能通春風未動枝先覺夜月
初來樹欲空翠袖佳人依竹下白衣宰相住山中寒寥此地
君休怨回首名園盡棘叢

夢斷揚州閣掩塵幽期猶自屬詩人立殘孤影長過夜看到
餘芳不是春雲暖空山栽玉徧月寒深浦泣珠頻披蓬蒿裏
當時見錯愛橫斜却未真

獨開無那只依之肯為愁多減玉輝簾外鍾來初月上燈前
角斷忽霜飛行人水驛春全早啼鳥山牆晚半稀愧我素衣
今已化相逢遠自洛陽歸

竅愛寒多竅得陽仙遊長在白雲鄉春愁落寞天應老夜色

朦朧月亦香夢客不吟江口寐吳王已醉苑臺荒枝頭誰見

花驚夢弱之微風較之霜

斷魂只有月明知無限春愁在一枝不共人言唯獨笑忽疑
君到正相思歌殘別院燒燈夜粧罷深宮覽鏡時舊夢已隨
流水遠山窓聊復半題詩

題劉真空歸隱圖

張率

星官賜酒上恩隆羽服還山世慮空龍虎丹光滄沱瀝鶴駕
驟御入鴻濛樓臺不夜金壺月潭洞先煉鐵苗風舊事國初
傳不朽清標宜在畫箇中

題張仲憲宅高秀山青山白雲箇

仙府前頭翠作堆雲容山色共徘徊山如聽樂儀鸞下雲似

排花舞鶴來造化毓奇開紫洞神明有後住丹臺更後深
看畫圖只訝浮嵐近酒杯

與歐陽雪舟登城西小山

八閩郵傳水雲關七寶城池木石灣諸將柳營分遠近故侯
瓜地得寬開西湖魚鳥空遺恨秀野風烟自老顏白髮羽人
談舊事眼中華表雀飛還

寄題南城李氏五松亭

五松亭子屋南偏烏帽消搖白髮年翠蓋扶筇火處黃金
落杯醉歌前九秋天籟陶弘景千丈雲巢李謫仙尚有清風
洒林壑為君流響七絲絃

題崑崙頂尚

老於嵩峯崑崙崑崙天下各山此獨尊白日西歸連月窟黃流

東去建河源天王廐馬來無跡仙母桃花咲不言不有方壺
騎雀過誰能揮翰寫雲根

宿華陽館東吳鍊師

華陽外史華易冠梅樹蒼蒼挂樹圍兩應符文他境潤斗垂
香炷列星寒因乘野水孤舟便來借雲居一榻安不敢妄翻
清閔室恐驚雷電繞飛壇

會周檢校

衡茅晚計卜溪南水石幽竒得縱探詩社往還青玉案仙經
借送紫函函漁邨過兩行秋霽龍洞開雲坐晚嵐種橘垂成
嗟已老煩君多致洞庭柑

錢塘懷古

南渡諸陵玉柙灰錢塘孤塔是幽臺石麟久向雲根沒金鷹

何曾海上回拯漢赤眉因世乱賓周白馬自天來沛中王氣
非陵寢徒使遺民過客哀

題明皇貴妃琴阮圖

聽罷霓裳柰樂何重瞳垂采頤秋波鼓琴忘却南薰操摘阮
翻成子夜歌天寶年間遺直盡沉香亭上晚酣多絲桐本是
房中樂得似閑睢感名和

題有輿淵明圖

生兒不獨愛梨栗也解有輿奉此翁典午江山詩卷裏義熙
天地酒壺中誰家幽徑造竹所晚歲高風依菊叢諸葛嚴陵
本同調行箴有道即英雄

舟中望靈山

一別靈山又五年空青忽到晚帆前龍蛇在野春陰合草木

為兵殺氣纏瀑布泉飛岩有雨水精苗長石生烟喧鼓角
吹浮世誰似雲中散髮仙

兵後次衢州

高壁深池表裡寬危樓飛閣水雲寒三年血戰曾漂杵兩將
身降惜蓋棺桑土盡如東郡賦橘林猶帶洞庭酸群雄政似
柯山弈閑與樵夫縮手看

王鬪馬席上作

城上春雲浮綠樹亭中綺席帶朱闌惠風已送薔薇暖細雨
猶兼芍藥寒將帥肯同文字飲山川渾作画畵看高談政自
忘絲竹安得移書與謝安

乙巳元日

四門擊柝罷寒更淮水淮山欲曙城柏子添香延宿火梅花

吹角送春聲大星賓日光芒定殘雪無霜物候明故國親朋
俱獻歲異鄉魚鳥獨關情

寄鄧彥誠資府

雲林三十六峯高峯下兵著白袍義士起為鸞鶴陣名家
舊有豹熊齕上腴田土皆生玉深洞人家尽種豨功賞一門
稱二美銅章交約呂虔刀

挽李春谷 黃琮字致吉

句折章句舊碩師遺文三復後人知鬣封四尺先生墓竈首
雙端太史碑天上玉樓仙去遠遼東華表雀歸遲賢郎已是
青雲器足慰重泉永夜思

贈梅邊墨士

市藥人間歲月深繞園種杏已成林鄭人共詭長桑術沛國
多傳華氏鍼丹室夜長探火候禱枝春早悟天心絕怜群物
凋傷久博施相期在祇今

題奎暎軒

吳中平

玉燭調和久太平文星都道更分明飛騰未躡雲衢路題品
先傳月旦評天祿有光通太乙謫仙千象應長庚他年定照
臨川筆好占鰲頭第一名

題余忠臣祠

吳同人字伯宗金溪林學士

四郊圍合偃旌旗百雉孤城遂不支空有張雷全節地竟無
周漢中興時寒烟逝水留遺跡日長松想令儀生死實關
倫紀重簡編千古大名垂

題張叔同豐城送別畬

三年遊宦客京師長憶豐城送別時牛斗夜輝龍劍出江湖

秋迥鴈書遲
画音彷彿山中樹
杯酒殷勤月下詩
只尺青雲生萬里
西風何用嘆分離

二月十一日大學釋奠
分勻得珠字

成均釋奠集文儒

天語從容命大夫
樂具五和斯制作
禮嚴三獻旧規模
頌香使者朱衣出
執事諸生玉珮趨

聖治永隆文運泰
奎躔燭曜正聯珠

送乞士啓赴京

饒侃

親庭拜舞綵衣裳
祖席留連若玉觴
六月火雲連海岱
一篙潦水下舟航
蓬萊宮殿烟花繞
翰苑文章日月光
霄漢飛騰屬鬢士
即看簪筆侍君王

送陸原熙之天河賦主簿

仙槎八月泛天河
雀髮飄蕭爽氣多
海角晴光收瘴霧
洞門夜色起夷歌
枳叢百里淹仇覽
銅柱千秋羨伏波
雲路同升殊去住
都門分袂奈愁何

侍游東苑

雨餘初日散輕寒
花簇金鞍秣路乾
新綠頓驚行處滿
深紅不惜折來看
雀迴舞影當瓊石
鶯轉歌聲繞翠闌
寂愛春遊多逸興
時時滌硯掃輕紈

東溪

東溪絕似浣溪頭
山色遙連曙色浮
天際帆檣來几席
月明鳧雁滿汀洲
郡城西望四五里
江水東流千百秋
好種芙蓉傍沙渚
角巾短褐坐垂鈎

蘭絲集

先世遺編號蘭絲文光五色照嘉
乘垂綸頗適幽閑趣補袞
還憐志願違千載高情懷漢魏數
聯清致擬陶韋名即克紹
箕裘學佇觀飛騰上

帝畿

盤石軒為永豐丁本隆作

嘉石携来自海門渾、猶帶鑿時

風雷訝吐吞瞻翫乍疑蹲廟豹摩

多清致珍重流傳示子孫

詠海棕應教

嘉樹生依

寶殿西亭、

一幹

繁枝芳根不許人間種麗

藻惟聞杜老摘日射龍鱗金隱、
心風搖鳳尾碧參差佇看佳

實霜餘執萬、貞樹底垂

扈從 殿下之國至荻港作

恭陪

鶴駕出金城老稚歡呼夾道迎錦繡帆檣天上過神

仙人物鏡中行地當荻港双峰峙雲接蓬萊五色明寰宇雍

熙藩翰靜願申歌頌贊昇平

送鍾震典儀扈從之兗州

儀曹奉引禮容舒

帝子承

恩建國初劔珮五更辭玉陛貔貅千隊擁金輿岱

宗好覓秦時刻闕里宜徵孔壁書臨眺知君多逸興清吟遠

寄樹離居

丙辰冬過中京書事 許中巖 字仲孚

鳳皇城闕紫霄間曆數丕承王氣還舊說畫符洛邑載瞻

玉帛會塗山太平有象畊桑盛邊奏無聞甲冑閑自古賢才
躋盛美頌歌天保谷 龍頰

元旦趨朝值雪

銀燭花消降臈紅屢雉殘一雨侵晨鍾諸侯拜舞稱周頌黎庶
謂謠被國風火樹薰天千戶曉宮門賀壽萬方同昇平先祝
無疆等俯仰風雲盡向東

退朝有作

清時承詔拜金門闔闔晴開曙色分宮殿雲深迷鳳翥旌旗
風暖動龍紋息沾下界歡謠遍道濟中州德化聞自揆愚庸
蒙至渥頌殫忠赤報

明君

武英殿應制

廖孟瞻

紫殿沉沉書漏遲暖風輕颺綉簾幃林花覆詞臣席玉几
香不近侍衣邊傲武功思馬援中朝儒術賴朱熹瑣闥深沐
恩波重自愧無才謏萬機

送黃訓導貞之官雲南

聶同文

蕭々行李載琴書獨影南征萬里途地入炎方冰雪少俗蕪
夷獠土風殊千峰落日山連蜀八月西風馬度瀘此去重煩
施教雨遐荒應見盛文儒

送吳子瞻之官廣東雷白知縣

迢遞番禺路幾千之官遙歷海南天梅花嶺外無冰雪荔子
岡頭有瘴烟德洽自能馴野雉心清寧慮酌貪泉明年政理
民歌頌應有聲華到日邊

送李原明歸廬陵

瀨擊浮榮遂布衣高風應戀故山薇
柴桑酒熟陶潛去盤谷
泉甘李愿歸有客籠鵝求字帖
無人騎馬到荆扉
都門別後扁舟遠他日相思夢翠微

寄施崇猷

先公戎馬策竒勛何事諸孫並好文
共說機雲遊洛下豈無
王魏集河汾墨香芹泮春風暖燈火芸窗靜夜分
指日高秋蟾闕近好攀仙桂步青雲

稅金城隱者

梁紹輝

三年死別息交歡故里重來益愴顏
紅葉寒林書屋靜白漚
秋水釣船閑江湖牢落塵蹤外
天地浮沉醉夢間回首荒墳
倍惆悵夕陽暝入隔溪山

登小孤山亭子

飛亭結構半山隅雲影天光入畫圖
清漲九江吞漢沔高樞
孤柱限荆吳風來舟楫歎危疾
雲暗魚龍變化殊獨倚畫欄
吟不盡白雲飛處寸心孤

寄施以端

高伯恂

桃花點點山中雨楊柳青青水面絲
春色惱人牽別恨錦牋
乘興寫相思小窓鸚鵡呼春夢
芳樹提壺促醉期惆悵百年
今已半花前時復玉樽隨

寄梁紹輝

花時醉裏匆匆別回首西風錦樹秋
明月相思隔江浦素書
不見到林丘松陰塵榻晴還拂
池畔清樽晚更留山水閑情
宜共賞碧雲涼鴈思悠

寄小姑山

李伯範

一柱高標巨浸中孤根下壓鰲宮海關束挾濤聲壯天塹
江盤石勢雄鷹隼崖岩秋嘯日蛟龍窟宅夜呼風東流不盡
興亡恨野艸荒烟夕照中

劉子高贈王明善依韻以和

蕭執

匡廬之山瀑布泉老子結社來何年林間經罷常隨鹿雲外
樵歸或遇仙坐石有時巾挂樹焚香終日袖攜烟市南別有
秋江水種得花開總是蓮

奉天殿早朝

晏彥文

大輅新成駕象犀百官雲集午門西天垂禁苑星辰近春滿
皇都雨露低殿陛風清馴虎豹御溝水暖散鳧鷖中霄雪霽
天顏喜丹鳳樓前降紫泥

武侯廟

丞相精忠萬古傳寸心唯切中興年揮戈有力難回日鍊石
無功在補天已死尚能驚仲達平生恨不滅孫權鼓山高處
遺祠廟野艸荒烟思惘然

題辛好禮墨竹

李林運

兵暇山亭駐馬鞍醉枯禿筆寫琅玕蛟龍曉起春濤湧翡翠
夜棲秋水寒冰雪幾年存勁節雲霄此日見飛翰明當結實
來儀鳳未許漁人覓釣竿

湘王殿下之國奉餞志喜啓周啓

字孟

秋風江上錦帆開荆國人瞻

帝子來鴻鴈九霄分雨露魚龍七澤避風雷丹砂不數淮南
秘詞賦誰誇子建材民社奠安藩輔重年之來捧
壽堯杯

夜宿真源觀和張嘉定句兼呈王尊師

化宇高寒北斗臨石闌西面月華侵
盃前交誼驚存沒劫外浮雲變古今
一徑橫塘分澗遠千章喬木種榆深
紫簫何處堪乘興秋色無過紫翠林

蜀王殿下守中都奉餞志喜

未幾西蜀按封疆先謁中都祀

太鼻能虎風雲蔽陣略鳳凰星日著
文章萬年淮土園陵重千果岷山道路長
恩寵自天隨福履早聞憑軾詠濠梁

供祀次瓜步

迢遞瓜步隔滄波漢武南巡昔此過
瀟霍風雲思玉輦茂陵烟雨泣銅駝
文明啓運

皇前禮典推恩世戚多望秩有期淮甸
關萬方思聽沛中謠

中都龍興寺伏觀

御書第一山三大字碑有作

九重宸翰麗天文三字穹碑壓厚坤
山色不知今古異地靈惟戴

帝王尊蛟龍絕獻盤亭構獅象諸天
拱寺門千載鐘王誇徒筆敢同羲畫與時論

中都孟秋陪從 蜀王殿下祀

皇陵

親王代祀撫松楸玉座金門敞素秋
日月麗天深

霄想風雲齊仗儼神遊鐘離樹老幽
宮壯芒陽山高玉氣浮此日彤庭瞻
此地祠光應徹五城樓

顯許氏環翠亭

車馬塵囂接峴臺幽亭故向竹間開青雲祗見團陰下赤日
何曾送暑來苞鳳遶簷籠夜月籜龍翻甲待春雷閑吟倚遍
闌干坐面、不青到酒杯

題許仲孚碧梧翠竹堂

欲着堂居絕市躡盛栽梧竹疎清票精鳳皇借與枝頭宿翡翠
看從屋角飄西掖十尋空對雪南塘幾箇自干霄何如擬
峴臺前詠醉倒箕山月露瓢

酬吳彥貞見寄

章允遠

架上殘編久蠹蟬遠承高誼托幽尋華堂夜雨孤燈盡茅屋
秋風落葉深清操幾人追古調朱絃三嘆有遺音多材布列
開休運遲尔朝陽彩鳳吟

登冷風閣

劉子建

冷風高閣倚天開落日登臨思壯哉秋水魚龍雙劍化夾城
煙樹兩江來乘桴詎忍浮東海鳴玉何由拜上台戎馬驅馳
閔塞遠不堪回首一悲哀

客裏

亂離何處是安居客裏生涯百不如閔塞極天勞遠望親朋
滿地少來書執珪未遂銘鍾昂伏櫪祗慚駕鼓車日暮倚闌
情不釋永懷秋月夜窓虛

送劉子京之豫章

画省星辰接上台扁舟東下瘴雲開龍吟鐵柱秋風起日落
西山爽氣來已喜伏波清楚塞還聞鄒衍入燕臺天閑十二
皆龍種伯樂應怜伏櫪材

燈花

張羽 字來儀湖州人太常寺丞

畫堂銀燭映歌鍾醉眼俄驚火樹紅白玉屏深畝晚艷綺紗
籠暖護春叢闌干清淚非因雨狼藉殘煤揔為風更憶禁垣
歸路靜金蓮隨馬散文虹

行樂過西崦

白日都消筆硯間偶因行樂到松關秋聲不盡蕭蕭葉夕景
無多淡、山虫響寒齋僧自定苔荒深院客長閑已知身世
俱成幻莫嘆西風鬢已斑

揚州道中

馬頭津口足風波歲晏遙乘一傳過南渡客來多漢語下江
船去半吳歌燕城揔入新編戶瓜步斜連古潯河處、吹簫
明月夜野田茅屋曉烟多

寄方員外

結髮從戎二十年獨揮赤管萬人前新辭祿秩緣思隱閑
猶居似愛禪病裏每書賒藥券愁中久絕看花筵懷君不隔
天涯遠只在荒城暮雨邊

春雪

不肯呈祥向鴈前却來迎瑞入新年闔粧已落梅枝後學舞
還居柳絮先久積已迷芳草地易消應避艷陽天遙知大輅
躬耕處共賀瓊瑤滿舜田

雨中書懷

邑里蕭條民未復齋居卑濕病相牽客愁連月惟聞雨農事
關心擬問天自幸拙耕終歲飽更慚中酒日高職不才如此
真堪弃敢負明時費俸錢

重陽道觀

玉瀾泉香草自春丹樓南下瞰城闔青衣童子曾來地白石
先生過去身九轉爐寒銷宿火七真堂古暗秋塵松間道士
多九骨未省誰為出世人

吳興南門懷古

郭門南固似襄州野樹寒山對倚樓公子城空無食客霸王
宅在有荒丘夕陽冉冉仍西下秋水茫茫共北流只是今時
已惆悵不應更為昔人愁

題蘭雪齋

黃肅

誰似高人學楚醒齋居清絕覽芳馨江妃解佩歸湘浦玉樹
飛花滿謝庭九畹荒涼風更落半窓塵白戶常有國香異日
徵嘉謚子為題詩服倍青

樓貞婦全清堂

鄭濤

曉窓膏沐不為施節行激江湛碧漪兩鬢秋霜塵滿鏡一
寒雨泪承頤從知寢餽勤姑養已向閨闈盡婦儀今日高堂
頻致樂固應眉壽集繁禧

遊龍虎山

甘彥初

流水灣迴路百盤化人樓閣倚清寒枕中鴻寶長生籙屋外
玄都太古壇金鼎有丹先試犬玉簫無曲不吹鸞麻姑未老
秋霜鬢幾見扶桑海未乾

題郭氏層溪橋屋

路過橫橋野外坳苔枝雪餘倚衡茆暗香夜襲蒼蛟窟清夢
寒過翠羽巢羌笛叫殘霜破萼短篷載得月橫梢相知未許
林和靖歲晏山翁可定交

社日

楓樹林邊兩脚斜
兒童祈賽竟誼譁
鷄豚上戊家
酒鶯燕
東風慶
花野迤歸時扶醉客
崇祠祭罷集神鴉
瀕湖生意
傷多潦
預祝汗邪載滿車

耕舍穫畢寫懷張雪次

兀窮年傲一瓊
倦遊歸問溪西
田家童急去
輸租米里父
能來索社錢
蔬壤畏頰宜
久曝竹籬防虎
更新編短檠
燈火
初寒候稚子
還湏理舊篇

題黃月溪石峰丹房

金華學道記當年
授得黃庭內景篇
洞裏丹成呼犬試
山中
石老任羊眠
砂床煖滴雲根乳
藥碓寒春雨後泉
九轉丹成
顏色好不妨人說
地行仙

寄仲敬嚴徵士

梧桐墜露滿庭臯
應有新寒入客袍
筆陣臨池誇草聖
酒花
入面助詩蒙絃中
白雪知音遇匣裏
青萍長價高
不媿羊裘
江上客釣竿
隨處狎烟濤

劉氏竹心亭

幾年種就萬琅玕
冰雪侵凌節獨完
嶰谷舊栽鳴鳳管
渭川
誰製釣魚竿
香浮吟墨春雲濕
翠擁書簾夕露溥
俗客不來
門逕僻山童日報平安

題源清樓

喬木蒼山世澤餘
百泉映帶好樓居
明涵物象秋毫際
清滌
塵襟旦氣初盤谷
勝遊宜秣馬
武陵深隱或通漁
考亭千載
留深意活水源頭
試問渠

高子勉病起移家

四郊無警被桑麻
涿水源頭舊是家
愛客屢懸高士榻
開荒寧種故侯瓜
酒邊病減知弓影
燈下歌長拂劍花
閑却陣圖雲鳥勢
看山隨處岸烏紗

寄張可立

旅泊他鄉有歲年
南塘水竹卜居偏
得錢日閉君平肆
載酒秋尋賀鑑船
葦近通門底巷
荆榛遙帶郭西田
東歸亦有尊師興
矯首滄浪若箇邊

客窓

伏枕艱難淹久病
閉門寂寞抱長飢
石田有雨荒春種
茆屋無烟乏午炊
慷慨荊州王粲賦
淒涼夔府杜陵詩
百年文物看今日
抵益愁來鬢欲絲

秋思

玉帳西風鼓角鳴
海鯨吹浪暮寒生
月中擊柝防秋急
雲際燃峯照夜明
喻蜀誰傳司馬檄
征蠻猶待伏波兵
漢家遣將無虛日
應為蒼生念太平

題洞泉觀

流水橫橋小洞門
亂來遺迹暗消魂
沉疴并罷湫廢碑
斷陰厓鶴塚存
落日樵蘇歸古道
西風禾黍入孤村
扶桑海水今清淺
應待麻姑為細論

題黃氏竹隱山房

三徑歸來菊就荒
叢篁低覆小茅堂
殺青謾欲傳科斗
截玉誰能學鳳皇
石徑微風翻籜滿
土階新雨走鞭長
夜闌怪得宜清笑
零露淋漓在客裳

贈遊龍虎山

上清遊子髮蕭蕭、風露秋高鶴背蕭、洞口桃花須自訪淮南
桂樹共誰招、潭龍護劍雲橫室、山鬼求丹月在瓢、定有長生
餐玉訣、幾時握手見松喬

西師

中興實藉群公力、反正終歸萬姓心、霧雨銅標蠻傲闊山河
鐵券漢恩深、明珠翡翠殊方入、天馬蒲萄遠使臨、北極即瞻
佳麗氣、南雲足聽凱歌音

春日登高有懷

風景蒼茫大野陰、懷鄉倦客此登臨、十年魚鴈將家遠三月
鶯花濺淚深、天落湖山雲水散、地連閩越瘴烟侵、躬耕却憶
窮廬叟、梁甫柄、日暮吟

題方虛寫看雲卷贈道人蔣怡然

長笑人間識者稀、掉頭直欲了玄機、行尋流水胡麻飯、製就
春山榭葉衣、九轉還丹留火伏、一聲橫玉叫雲飛、何時華表
重來日、城郭人民幾是非

題張忠靖祠

潼關不守兩京危、誰抗胡雛百萬師、颯爽雄姿酬苦戰、從容
謀畧出多奇、男兒不論全身計、厲鬼猶懷滅賊期、千載乾坤
名節在、西風有客讀殘碑

清明

輕寒天氣半晴時、隴麥畦桑綠漸肥、誰與試烟傳晴燭、且謀
沽酒典春衣、東風明巷桐花落、流水池塘燕子飛、吟罷不堪
搔短髮、杜鵑抵解侵春歸

送道士遊上清

家世留侯幾葉傳
藥爐神劍尚依然
丹書細篆長生錄
紫府清都小洞天
鐵笛一聲秋似画
丹砂九轉骨應仙
劈麟脯鳳瑤池宴
咲問蟠桃歲幾千

題忠臣廟

公孫躍馬計何疎
百萬天兵展壯齒
樓櫓已看烟黯淡
鐵衣豈深血模糊
死經百戰英魂在
廟食千年祀典殊
欲向雲山懷往事
朔風鴈鷺正號呼

贈鑿士周道亨

上池飲水是何年
老去江湖術更玄
杏熟虎收林下穀
橘香人飲井中泉
藥不兔白清秋島
方出龍官半夜傳
袖取茯苓鑿國手
一壺閑向市中懸

題陶氏聽竹齋所藏舊卷

山陰水竹舊齋華
翰墨殘香有所思
四海晨星諸老盡
百年喬木故家遺
虛亭月夜瓊簫遠
空谷天寒翠袖悲
俯仰釣游如昨夢
寒烟野蔓四離

寄張雪坡

南塘水竹舊郊扉
老去青山目力微
吟瘦定知衣帶緩
別多無恨簡書稀
畦桑葉短蚕初出
隴麥苗深雉正飛
香老松花春又過
莫令情分久相違

贈地理者

囊中一卷郭氏書
眼底山川興不孤
兩袂風塵誰故舊
一筇烟雨自江湖
銅駝陌上人長咲
金粟堆前鳥自呼
見說五陵佳麗氣
天荒地老不能蕪

贈製筆生傅子封

汗簡虫魚蠹蝕餘夜燈細字墨新濡管分湘水啼竹臺後
山中衣褐徒忠孝百年宜特錄奸諛萬死竟須誅玉堂揮翰
今誰在他日承恩待指呼

題黃鍊師栖霞山房

赤城初日射蒼茫
鬚髮陽阿且氣涼
瑤圃秋風歸倦鶴
金華春草散群羊
朝真自製雙飛珮
燕客宜傾九醞觴
宸憶步虛聲徹曉
琪花清露濕霓裳

雨中書懷

南窓坐掩讀殘書
落盡梨花雨燕疎
短夢或因中酒後
輕寒已過禁烟餘
芹香墜几初晴
燕泉脉通池欲上
魚撥首故人懷別久
欲憑尺素問何如

讀余廷心傳

海風吹浪集樓船
百戰疲兵僅數千
但許有身堪報國
豈知無力可迴天
幽燕北望王師遠
江漢南來地勢偏
天塹已空豪傑沒
朔雲邊雪事茫然

次張文學韻寄涂貢士

画角城頭曲未終
十年哀怨萬方同
黍離正恨傷周切
章甫翻怜適越窮
黃葉空山僧舍雨
滄浪衰鬢釣絲風
閑愁欲遣三千斛
濁酒寧辭一百筒

贈督租府吏

去縣山鄉百里城
遺民暴甲却歸耕
里胥隳突嚴徵稅
府帖喧呼急召兵
落日午車疲餉運
西風鷄黍慣逢迎
今朝忽遇清時吏
持酒殷勤說太平

贈日者何真齋

首陽餓死跡全生萬古蒼、竟宵冥談笑或懸蘇子印栖遲
終抱伏生經洛陽有客聞啼鳥牛渚何人識使星端策欲從
蒼丑卜梅花東閣莫深為

長沙夾夜泊

漠、蒹葭斷渚連烽亭、鼓報更傳迴風吹樹纜初繫斜月
照蓬人未眠鴈足寄書懷歲晏蟹螯新酒及霜前滄茫遠浦
寒燈外尚有漁郎夜扣舷

登擬峴臺

高臺俯仰大江馳南盡甌閩樹影微白草秋烟遺戰骨青天
寒照落人衣襄陽耆舊心如昨華表仙翁事即非東望故園
三百里不堪搔首片雲飛

讀項羽傳

慷慨吳中始避仇入關遂泊五諸侯錦衣已失韓生說玉斗
終傷亞父謀漢業百年真上出楚歌半夜美人愁陰陵失道
雄圖去亭長相期謾艤舟

水南晚眺

山風蕭、羣木落寒日黯、孤猿啼江雲欲雨復不雨野鳥
將栖還未栖歸人入夜望烟火行子傷秋聞鼓聲水南山川
繞城市正好買地躬畊犁

題余文貞公請援兵書卷後

大將分符白朔庭出師江漢肅南征賀蘭不救睢陽死無忌
難收晉鄙兵唇齒百年誰復惜簡書千里謾多情西風一劍
英雄淚已逐寒江日夜聲

讀文丞相傳

萬死胡天泣楚冠南雲歸計路漫漫尚箇一旅興王易不念
孤兒立國難樓櫓海門西日暗劍歌江介朔風寒九原痛憶
遺編在千載奸諛掩面看

讀史有感二首

二龍悵望香西遊弓劍蒼茫滿地愁青草空遺双塚月彩雲
已散六宮秋長江落日忠臣恨易水寒風壯士羞楚漢興亡
俱一夢當時何用割鴻溝
汴流西遶漢時宮陵樹蕭蕭易朔風金盃不收銀鴈去銅仙
無露玉盤空御溝流水人間碧禁苑蟠桃海上紅却憶晉家
南渡客清談不記誤和戎

閑居感舊

待詔金門擁佩珂南征殊賜洽謳歌亦知江摠蒙恩數每愧

楊雄識字多頭白一官今自老汗青千載竟誰磨可憐夢裡
釣天曲回首蓬萊柰尔何

湘河官舍

誤玷春官選士班不才竊祿竟何顏陽城自計催科拙尹鐸
能知保障艱候牙東津衝雨去驅馳南郡帶雲還迂踈本是
漁樵侶清夢無時繞故山

大將出師

九重飛詔紫泥新

帝命南征遣大臣官露迥迴銀釜暖江花初報錦袍春蠻烟
瘴雨驅車遠朔雪燕雲送捷頻汗馬功成催入覲汾陽勛業
照麒麟

題程善夫釣隱

山人不繫廟堂憂只往湖邊事釣遊黃鳥隔巢書夢千紫鱗
吟浪棹歌秋狂奴傲世終辭漢尚父匡時晚入周千載高懷
誰得似飄身世等沙漚

錢塘懷古二首

落木驚波入虜塵新亭空集北來人神州未復英雄老王業
偏安曆數屯萬騎星屯潮捲夕六宮雲散草生春百年江左
偷安計泉下惟應泣老臣
咸洛腥羶幾百州中原誰切祖生憂秦關壁使星馳之漢苑
銅仙露泣秋萬死奸諛和虜計百年臣子戴天讐欲從故老
詢遺事斗酒難澆磊落愁

讀靖康遺事

杜鵑啼老洛城東烽火郊畿繼天戎廟畧合收肥水戰虜盟
誰定渭橋功銅駝故陌迷秋草黃屋驚塵捲朔風一自鼎湖
龍去後小臣何地泣遺弓

奉東高祕監

紫蓋南來關

帝都文光上值斗牛澀金門早赴公車對石室宜納太史書
綵筆日沾題屢濕黃封時醉賜來餘河畜大訓前王典
聖治于今又一初

南湖齋居寄友人

王敬中字同四明人

山寒夜透青綾被海日朝明白玉珂隱几不知春色晚停杯
驚見落花多旃檀香裏來僧梵楊柳橋邊起棹歌咫尺湖光
不相見竹床琴調近如何

贈友赴廣州

烏府才華尔寂賢北風又上孝廉船篋書尚有陳琳檄行李
那無子敬擅帆影曉不湘浦月珮聲晴拂隱山烟壯遊萬里
須乘興好著聲名到日邊

文翰類選大成卷第六十四終

